


程

一九九六



原件短缺

P1-P2



陽湖陶氏
所藏書
藉
記

爲珠玉導可乎蓋自先生
之以詩若文名世也後進
多有學爲鍾先生語者大
江以南南更甚然而得其形
貌遺其神情以寂寥言精

鍊以寡約言清遠以俚淺
言沖澹以生澁言新裁篇
章字句之間每多重複稍
下一二助語輒以號於人
曰吾詩空靈已極余以爲
空則有之靈則未也使嘉
隆之作者幸而裙襦獲全
含珠無恙而使今日之作
者不幸而刻畫眉目摩肖
冠帶波流風靡此倡彼和

有識者微反脣于開先創
始者焉則何不取隱秀軒
集而讀之也其中片語隻
字有不本之經叅之子輔
之史集根理道原性情者
乎有不暢之以氣琢之以
辭約之以格無促絃無窘
幅人情物理事在耳目之
前而想不窮天地之幻者
乎人累篇所不能了者而

一二語能了之人累語所
不能摹者而一二字能摹
之披文相質真所稱日新
富有變化無方者也故不
聽鈞天之奏不叩擊缶之
爲細響也不視銖衣之彩
不知被褐之爲粗陋也唐
齊已好慕韋蘇州效其語
以贅一再讀輒棄去不省
覽後乃徐出其故草以進

大加賞識曰子柰何舍故
吾而學我人之針芥相投
臭味相合大抵在風神清
濁志氣通塞必不在章句
聲韻間今世之爲齊已者

政復不少先生其何以待
之余之梓是集而序之也
非序先生之集而序世之
學爲先生集者也先生爲
人落落穆穆涉世自深出

世自遠意不可一世而獨
屈節好余卽其好余也其
爲落落穆穆如故也如先
生者微獨其詩若文卽其
人亦真能爲空靈者也昔
有人精持內典常以手指
畫空中書寫文字人去而
經書處自然嚴淨雨不能
濕古德猶惜其中滿字化
爲半字嘻斯可爲空靈之

極矣知此義者乃可以序
隱秀軒集也哉

天啓壬戌六月既望虞山

沈春澤撰



隱秀軒詩天集目錄



四言一

維東有卑十章 有序

憫溺五章章六句 并序

水簾題石聯句 遊太山作

隱秀軒詩天集

竟陵鍾

惺伯敬著

長樂鄭振鐸西語詩本

海虞沈春澤雨若閱

四言一

維東有阜十章 有序

壬子閏十有一月予與商子之燕譚子

送之以詩予作此答別譚子也

維東有阜維南有湖阜則我宅湖則我居子

無所往我無所徂我室于室于廬我廬

其二

子歸自宮于南斯行子歸自客于北斯征聚
散無言舟車有聲維此舟車爾獨何情

其三

自南爾歸有懷不一子三適我我不子卽子
之適矣如予之卽矣

其四

自南爾歸有言不同子三逢我我不子從子
之逢矣如予之從矣

其五

駕我四牡爾衣裳彼其之子不與我偕行
惠我良朋共此雪霜維子心則臧

其六

肅我衣裳駕我四駱彼其之子不與我偕作
惠我良朋共此饑渴維子心則若

其七

我之云邁念子無儔亦莫我留昔子之南予
其敢曰無儔挽子之舟

其八

我之云邁念子無依亦莫我追昔子之南予
其敢曰無依反子之綏

其九

自南自北莫同匪天各處其末中有山川山

川何有蒼蒼淵淵瞻言共之心目其間

其十

勿曰我出勿曰子處各有朋友各有言語及
彼威儀爰各有所庶幾夙夜惟予與女

憫溺五章章六句

并序

甲寅正月二十七日舟泊濡須口大風
江中小舟渡者覆焉可二十人皆南岸
窶人過江傭作舟子以風故索加錢人

隱方輒言方集
一文不可得因守至多人時久舟重風
益張而致溺也急揮官舟救之從者數
舟得十四人而還餘莫及矣予與林子
見之憫焉各作詩

山鳴江怒渡于何所我食焉取彼君子兮我
阻亦莫我予兮期豆斯簋

其二

招招舟子取盈則那從其匪盈糈則我多糈
不我多舟中人兮柰我何

其三

維其多矣烝沒于波矣沒匪不出伊誰何矣
立而聽之家滂沱矣

其四

索糈沒之犯死出之同茲舟人孰罪福之孰
罪福之暇之卒之

其五

有邏者舟泄泄偃仰溺者已歸救者徐往敢
告津吏厥有刑賞

水簾題石聯句

遊太山作

晴雨所覆

惺

白雲之上

吳惟明

冬愛其原

林古度

厥流斯養

惺

石穹其中

惟明

俟時而響

古度

岱寔

爲之

惺

勸登弘獎

惟明

隱秀軒詩天集

隱秀軒詩天集目錄

五言古一

乙巳臥病作

二首

邸報

遊齊山

五月七日吳伯霖要集秦淮水榭

再過燕子磯作

秋日舟中題胡彭舉秋江卷

并序

舟中看邯鄲夢傳奇偶題左方

六月初五夜月

夜閱杜詩

六月十五夜

七夕雨次夕復雨

經觀音巖

九灣

雨發九灣至歸州

雨行巫山

朝

瞿塘

巫峽

歸州峽

新灘

西陵峽

出郊

隱方車言詩集
識譚友夏所寄書語

贈羅童子國香

蔡敬夫自澧州以詩見寄和之 二首

夜坐

讀豫約

山月

送鄒臣虎年丈南歸

送馬仲良權吳關

城南古華嚴寺半就傾頽奇爲清崎同
一雨法師徐元嘆陳磐生往訪詩紀冥

游兼勸募復

遼陽陷後友人張任甫先赴叅謀之召
得書詢之尚未出關欣慨交心勉其後

圖

游茅山

觀魯顏公所書茅山玄靜先生李君斷

隱秀軒詩地集

竟陵鍾

惺伯敬著

海虞沈春澤雨若閣

五言古一

乙巳臥病作

沈疴忘故吾情形日幾變
有時如嬰兒饑寒
仰母便有時如老人奄奄
息如綫過去未來
身一日遊屢遍真身宛自如
光明時隱見

又

周公班爵祿孔聖立文字終古英雄人老死
遭磨勵進退類抵觸前後終狼寔窮交思掇
汁妻子望沾漑天生七尺軀豈爲爾曹地性
命徇他人勞勞成底事舍我衣中珠苦伺驪
龍睡安得同臭人親踈走相避達哉周太常
不齋時一醉

邸報

曰余生也晚前事未睹記矧乃處下流朝章
非所識三十餘年中局面往往異冰山徃崔
嵬誰肯施蝦臂片字犯鱗甲萬里禦魑魅目
前禍堪怵身後名難計邇者增諫員鞞鐸略
已備褒誅兩不聞人人爭慕義請劔等尋常
折檻何容易撩鬚料不啻探領何須睡衆響
忽如一一辭申數四已酉王正月郵書前後
至數十萬餘言兩三月中事野人得寓目吐

隱秀車言其集
舌嘆且悸耳目化齒牙世界成罵詈哢哢自
哢哢憤憤終憤憤 雄主妙伸縮寬容寓裁
制並廢或兩存喧墨無二視下亦復何名上
亦復何利議異反爲同途開恐成閉機穀有
倚伏此患或不細遘茲不諱朝祀人彌憂畏

遊齊山

百里叩九華齊山未寓目歲暮懷冥遊積陰
忽晴煥十步識山面二里躡崖足裁形准石
隙避就費紆曲戚施忽遽際支離頂踵蹙蹙蹈
虛慮危墮踐實防罣觸步疲手倦扶日中至
朝旭不知行幾里寅緣窮往復出洞睇故徑
相去曾幾躅隧中靈威行峰頂長房縮總此
一齊山中外異延促

五月七日吳伯霖要集秦淮水榭是日

雨

五日棹秦淮水閣曾未歷頗值風日晴雨意

隱秀事詩集
殊未悉我友越宿招明朝宜小集晨枕引檐
聲微茫承霽滴快茲烟雨趣遠山蕩如滌畫
舫如晨星簫鼓非前日鷓首晚偎倚鴛鴦戢
其翼人情自寂囂景物胡欣感四座三方言
音殊旨或一想昔舟行時樓榭烟外積遠近
閣中人指視坐行立輕舟疾於鳥過眼雲烟
失今茲坐綺閣閒閱舟遲疾從舟視閣中延
望當如昔

再過燕子磯作

夏五戒舟游清夜以爲期豈悟適維揚停舟
踐前辭矧乃值清晝不復睹夕霏霽景媚澄
瀛夜光鑑廣陂光明應如是蒼涼乃遜之一
峰一珊瑚千波千琉璃雜樹綠層壁點染若
苔衣巖紆雲度艱墮地力已微及茲毘陵還
已復流火時石意本孤峭不秋森已威蒼翠
與紺碧綢繆以參差往還閱涼燠江山變穠

隱居車言地集
淒感茲燕子去再歷燕子磯登頓快遐矚節
物翻令悲

秋日舟中題胡彭舉秋江卷 并序

已酉秋予將由金陵還楚胡彭舉爲予
寫秋江卷爲別衰柳寒汀遠山細浦而
孤舟片帆汎汎其景於空青遙碧之間
隱見滅沒初不見水覺紙上筆墨所不
到處無非水者使人常作水想越數日

舟過三山天末積水殘嶼如煙予指空
濛遠淨者示弟快曰是非彭舉卷中所
餘一片閒紙乎卷首孤帆遠影碧空盡
惟見長江天際流爲焦弱侯太史書彭
舉自書七言一律於後彭舉名宗仁金
陵人八月晦日秦淮歸人鍾惺書於采
石舟中仍繫以古詩八句其詩曰

澹遠寫秋江秋意無起止何曾見寸波竟紙

皆秋水煙中過寒山江淨翻如紙空色有無
間身在秋江裏

舟中看邯鄲夢傳奇偶題左方

局中片時間世上幾代傳爨下片時間夢中
幾十年仙齡亦已促夢境亦已延誰明修短
故疇司伸縮權

六月初五夜月 示茂之

長夏不肯晚既晚亦蒼涼涼色已堪愧況此
纖月光初生如新水清淺半東墻尋常如乍
見悲喜觸中腸對月本佳况鄉思亦無方且
復共明月無爲念故鄉

夜閱杜詩

束髮誦少陵抄記百相續閒中一流覽忽忽
如未讀向所覲面過今焉警心目雙眸燈燭
下炯炯向我矚雲波變其前後先相委屬淺
深在所會新舊各有觸一語落終古縱橫散

屢足

六月十五夜

明月眷幽人夜久光不減良夜妮佳月月殘
漏愈緩未秋已高寒秋至更清遠逝將齋幽
魄照此夢魂淺

七夕雨次夕復雨

秋來一夜雨耽却一夜月乍喜滌煩蒸久乃
成淒絕前期自宜雨胡爲值令節矧乃過此
夕連綿猶未歇秋月亦易悲吾意賞高潔儻
能破晦慘予寧耐殘熱

經觀音巖

洞巖但如此今來較不同泉石稍差次遽覺
心目通峰氣值殘霽往往變蒼紅曲屈失故
徑層深翻得窮向者攀援處乃在頰視中安
知所蹈歷其下非嵌空何心覓前源徑盡忽
以逢水木發秋籟而非谷中風憫默觀因應

悅焉如發蒙

九灣

若非蹈今塗昨日險亦足果然備層峻蛇鬼
猶躑躅兩崖窮登頓相對不去矚稍焉歷其
巔許身已平陸俯仰前後視乃知多岸谷足
跡信延袤目境自蹙縮鴻飛已青冥背翮猶
遭觸深薄警營魄幽幻豁心目

雨發九灣至歸州

亂山無清曉雲水但稠濁累日行重嵐叢密
何由豁安知茲壁外不有朝暎躍頽雲初離
洞流止將焉託嶺半一人家如鳥巢阿閣人
語響空濛煙火出冥漠隔江望秭歸殘陽見
井郭胡爲旣濟後昏暮猶墟落

雨行巫山

我行近巫山欲識巫山面此峰名十二一峰
了不見白雲如積水懷山浩以瀚雲滿谷皆

波兩崖綠

朝

蓐食
徒新暘淡寒岫光薄始著林映帶
自先後日盛
遠見山水候我行久出
峽始得覩清晝

瞿唐

至此始稱峽岸東江齟齬江勢有往還前山
幾茹吐兩崖何所爭終古常相拒水石日夜
憂無所觸而怒灑瀕根孤危悍流不能去立
石如堵牆中劈才一縷岸迴不見江舟行無
乃迂舟過其隙中乃知此其戶還顧始自失
憮然警徒旅

巫峽

瞿唐隘已甚而匪三峽列不知三峽者當何
如峻迫舟經巫山下川谷信軋茁仰眺已悅
然矧敢言登躡巫山峰十二歷歷在眉睫猿

鳥向人言雲煙影已滅急岸辭迅流如矢離
弦決異哉江如豎灘下已數折視前歷歷峰
忽復逢巖缺

歸州峽

茲峽乃名歸歸期諒非遠誰知下峽途自茲
始云險蜀江不愁風風立水亦卷石逼榜觸
實湍及舟過淺向歷虎鬚危

虎鬚灘名在夔州

未覺

精魂斂長年至茲戒心手目俱勉水舟細意
嘗稍肆俄焉舛曲巷夾我舟戈鋌立刻刻怒
濤跳白中倒石日夜碾努力過新灘前期自
可展

新灘

三峽險匪今茲灘成近世所以名新灘舟楫
往往躡伏石激橫流以待舟相值天意非人
力工亦有鈍利利者每批隙審擇而趨避其
間不容髮失非惟恐泥三峽歸峽劇三灘茲

灘厲巍巍神禹後鑿山有望帝連亘七百里
疏決成既濟片石距通津智勇莫能計吁嗟
平陂理真宰難思議

西陵峽

過此卽大江峽亦終於此前途豈不夷未達
一聞耳辟入大都城而門不容軌處方錯其
牙黃牛喘未已舟進却湍中如狼寔其尾虎
但尾當其險夷交跳伏正相踦回首黃陵沒灘名

此身才出甌不知何心魂禁此七百里夢者
入鐵圍醒猶忘在几賴茲歷奇奧得悟垂堂
理

出郊

閉戶成窮冬出郊知有春耳目久不接熟境
亦覺新芳草如欲暮桃花忽以晨偏何多氣
候物色紛然陳春雖深未闌動植方怡神

識譚友夏所寄書語

遠遊接新知新者難遽陳乍歸逢故識故者
眷然新耳目善自易庸人亦異人稽公通此
術可不厭囂塵有何七不堪而爲時所嗔

贈羅童子國香

流水無巨細所貴者清深羅郎互鄉產眉宇
乃蕭森賴無師與友宿物未入心發語自空
靈時時出妙音辟彼湜湜汜安流石澗陰對
之悅心目其源不必尋東西在所決勗哉須

酌斟

蔡敬夫自澧州以詩見寄和之

每一接君詩知君愧不盡徃徃定慧心見之
賦比興札云苦吏牘俗與勞相併何以塵務
中穆如清風詠乃知寄託殊形神本淵淨以
茲暇整情何紛不可定

又

俗本非一情復何關吏牘俗亦不必逃君情

豈易俗盤錯鍊神明往來彌幽獨出茲慧寂
心恤此一路哭朝廷與四方標本相離屬急
則治其標標潤本亦沃民矧邦之本易動患
遲速厝火積薪下徙之賴良牧素食長安中
手口皆拘束豈如當一面猶可舒臂足賤子
本薄劣斟酌才與福調燮力不勝樞衡年已
促矢心在一麾犬馬猶堪服君才難如此矧
乃予樸樛諒秉翼翼心如臨淵集木

夜坐

闔門月自遠未見神先清况復已秋盡寒意
不我驚微風交庭影偃仰以逢迎忘與二三
子共坐至深更鐺鑪靜夜語悄然作秋聲

讀豫約

李老未忘骸死前營夜壑自謂出家覓身世
了無縛灌灌身後謀一塔申豫約色身委園
扉子神竟焉託世無知我者能緩亦云樂偏

逢高趣人焚琴而煮鶴

山月

山于月何與靜觀忽焉通孤烟出其外相與
成寒空清輝所積處餘寒一以窮萬情盡歸
夜動息此光中

送鄒臣虎年丈南歸

天淵亂魚鳥不待虞羅施四牡雖蹙蹙不容
不驅馳何必求其故世久欲君歸寂寞嘗才
士恬躁自茲時周防亦已晚矜忿非所宜辭
榮蹈刃易中庸不可幾天人方未定君子敬
其儀

送馬仲良權吳關

時孟和別予從行

燕地信風塵俱留反成趣吳門自清華獨往
意反悟以茲分素交征途共朝暮維夏發春
明舟車何時駐荷蕩千人觀楓橋六月路同
游景事佳徘徊中反顧兩度居燕中君皆先

我去此行別兩人悄然生百慮

廬江訪章甫親家翁感贈

巳酉秋還楚是君之官期甲寅春還楚是君
政成時別君戊申歲七載迄于斯人生幾七
載運事不密移計茲官始終聚散時可知兩
過君土地何有不相思昔苦客路晚今幸王
程遲不忍見君面其如久別離抑情回我舟
行行繡谿涯相違朋友戀相見兒女悲人吏
覩歡宴寧知心所悽冠蓋日趨榮鬚髮日趨
衰迫茲皆未老乘暇視光儀久聚歡怨多吞
聲似欲辭子非不慰留意滿拙言詞天人多
舛迕盟好空爾爲林泉取無禁區區當慙遺
少同筆硯苦老共丘壑怡恐子懷遠略白首
忘所歸

題茂之所書劉脊虛詩冊

并序

每見古人終身於詩究其所存不過一

帙或至數章則心甚畏之貴裁也精於
裁必審於作慎於示人乃其高於自處
此予所謂選而後作勿作而聽人選者
也甲寅早春舟中閱唐人全詩畏杜審
言之少而脊虛止十四首其嚴冷之意
尤肅如不可犯篋中有高麗妙蘭八紙
將索茂之小楷偶閱此遂以授之其紙
不浮於字意似皆有所裁紀之以詩

只茲十四章鍊氣已成液如何平生勤一字
勿苟益陶公坐高秋俗士不敢入不受人去
取孤意自先立何以莊嚴之妙蘭與良筆何
以展對之新柳及初日所貴如其詩意皆存
簡寂

雨宿會聖巖

游浮渡山作

燈光入幽薄金碧照石土夜雨間流泉風竹
連晨鼓意象了不關相與無相與空山獸臥

人虛懷而聽覩

宵步石廊燭觀於巖壁 遊浮渡山作

古人負奇情題巖必幽默豈以山水心取供

人耳目衆遊或失之冥討須執燭天風醉花

鳥雷鯉此語無人讀

總巖 方廣才數尺縣孔甚多每孔刻巖名一按浮山之數

須彌無邊際有時藏芥子所以一卷石具三

十六體六王入秦後宮闕彈丸裏孔以寫真

形刻以著經紀尺寸山始終圖經備於此予

請易其名其名曰石史

予有古鼎茂之賞而賦焉和之

土花壓火光誰辨鼎湖液雖已滅鑪錘隱然

見心力情文無所苟彌想人心質神理驚幽

昧魑魅不能立今人耳目玩古人充飲食意

惟不近人予益與之習

省鶴 示茂之私

物生既孤遠乘尚必落落意不可食飲肯輕
訴饑渴雙鶴亦何期忽焉于我託暫籠置舟
中羈爾良自作耻受世人寬寧爲曠士縛終
知得所歸形拘神或豁性情黍夙知倉卒不
可奪魚匪不在水有口不苟攫水匪不近舟
有羽不苟濯釜庾全志士多寡須斟酌夫苟
傷其心居食徒爲虐辭受視其人臧獲手難
着响沫近小仁憇爲此物愕所以躬撫視且
暮仍審度

潯陽經曹能始廬下懷寄兼貽梅子庾
我北鴈南來我南鴈北歸有似所期者後先
與我違築室匡廬側舟往返由之入室見茲
山其人則遠而山水存乎人匡廬空爾爲匡
廬邇不至而非心所悲梅生從子處六載今
乖睽寄書有無間鴈途矧參差且更作一想
以豁今所思如我在燕楚曾未至於斯如子

在閩蜀尚未卜居時

到家二首

舟行起秋未到家維夏初雖未遂林壑暫喜
見里閭嚴親暮遠適入門悵焉如弟姪守園
徑猶未甚荒蕪場鹿識故主籠鶴欣新廬開
篋儉故帙如獲未讀書故人驚顏面不與新
知殊攜幼慰幽獨尊酒適有餘

其二

所親自去年已望行子及今雖期逝歸情言
亦款款旣皆惠然來報之寧可緩始歸惡聞
出雖近意亦嬾骨肉易遭延不覺爲日遠不
自責其踈頻望恕我簡反訝我密交偏何來
甚晚

與弟叔靜過友夏兄弟寒河居

廬非教
王明甫

至

我遊凡兩歸訪子不能再徒記子門前前與

寒河對今遂幻其涂河流不在外欲知來往
生但覩門向背久憩尋初跡心目猶映帶鳥
聲在殘雨烟物發其霽兄弟友朋并來如風
雨會語嘿如一人悠然了無礙

寒河詩爲友夏賦

子居在河干河水寒其聲而我來五月颯然
形慮清乃悟秋夕意不從霜雪生動植泓洄
之欣欣無不榮肅然高寒內貴具天淵情

將入城示別友夏

累日皆言笑兀然無所思妙想始觸物乃爲
動者機水泉春初引端委甚希夷雖然寂無
構紛如中威蕤明且別子去厥緒復惟微吁
嗟動靜理匪以寂喧爲非無萌蘖生朋從中
斷之憧憧往來內是子機息時

竹月

涼月白夏夜意本貴孤踈何爲竹影之反益

其靈虛物有時貴多顧相得何如

又

竹日處庭中月偶影其外反云此奇光微爲影所礙物論每如斯二君則不怪

伏日頗熱友夏寄近詩有雨甚寒甚不敢快幸語異而作此

共茲三伏內百里殊涼熱我聞高則寒子居卑以溽六月秋在水河上意先洩瞿瞿稼穡人寒早實難結此時山中士引領望涼節峨眉五臺巔盛夏積古雪在地自爲夏高卑有燕粵頗疑元化隘氣候近而別寒暄有倉卒時地焉可絜

糴穀

我官已五載田無數口餘於爵古中士食愧上農夫豈惟廉所致治生術亦踈則知不經濟理人將焉如今年春不雨有田尚可虞金

錢今雖澀敢不爲豫圖八月已涌貴復如三
月初富兒利秋旱氣驕色踟躕富者盜所寄
此輩豈何愚俯仰猶缺然賓僕尚我需無僕
身不逸無賓心不娛吾寧捨口腹黽勉充爾
虛爲備不暇遠明春多在都餘祿儻可接舉
家半就餽三黨猶嗷嗷臨食獨何吁

隱秀軒詩地集目錄

五言古

秋晚荆門道中抵泉寺宿

再過夷陵爲諸同門視雷先生後事題
其閣上

輿夢

蔡敬夫仲冬書至云辰州十月已見梅
花寄詩三首予未之答及茲再遣書使

已是獻歲三日此地梅放未匝輒書所見以報前詩

飛雲巖

黔還至辰溪懷蔡敬夫既見贈詩 二首

欽山漁仙洞尋龍君御所住觀其刊鑿之迹

贈別朱無易郡侯計事畢暫還成都并答前見贈之作

四月三日楊脩齡侍御遊宴海澱園

七月十五夜月同茂之賦

南歸柬別劉貞一侍御獄中

觀朱叔熙所藏唐搨雲麾二碑顏柳白傳諸帖及米書

入舟

舟月 三首

贈徐象一年丈并索其畫

登岱

無字碑

尋西天門

宿頂候日出

降自孔子崖循黃華洞止焉

傲來山

再憇朝陽洞泉上

岱草既定讀友夏南嶽記及詩

三月三日新晴與客步看所在桃花

牛首道中看人家桃花

舟過郭聖僕范漫翁二居士

宿烏龍潭

七月十五夜登鷄鳴寺觀懺度

歸至雪浪庵看紅樹

贈曾伯陽母

正月初五日冶城看殘雪作

採雨詩 有序

丙辰江西大水故憲副太和臨臯楊公
在殯其弟貞叔負其棺與水出入得免
予友楊武部邦隆憲副公之子也泣道
其事鄒爾瞻先生作風木樓記述其事
親始末鍾子讀而嘆曰貞叔之爲此有
本也紀之以詩

歲暮送姪昭夏還家兼示弟恮等

隱秀軒詩地集

竟陵鍾 惺伯敬著

海虞沈春澤雨若閱

五言古二

秋晚荆門道中抵泉寺宿

向晚秋如何輿馬行鴻濛動植猶在野未落
氣先空平楚遠難靜秋聲當在中鳥歸赴殘
霽千山紅未終洞巖寂寂後威蕤生衆容戒

閑方車言地集
徒息泉寺喜與泉徑通水木爲秋天至夜同
一風二水無靈昧焉分惠與蒙此時無聽觀
孤磬發深衷

再過夷陵爲諸同門視雷先生後事題
其閣上

夫子意豁如細故不肯著後事聽其徒彌見
子落落山水翰墨事一過情自若矧乃前與
後足嬰子寥廓獨念子純孝拜母五情鏤百
足仗羣力是予心所作哀肅動門生子神所
磅礴祭養荅衆心營營子所薄存亡聊復爾
意或別有託志曰神歆類類豈必同膜與子
兼師友形氣久已略三年訪精神夫子在斯
閣

輿夢

衾枕寡寧寐輿寢何翹翹微息寄肩項數動
魂亦勞平陂在其趾神與之低高因想失次

隱秀草言地集
第耿耿隨所遭艸樹拂油衣耳根行風濤頗
記常舟卧鄉夢多招搖

蔡敬夫仲冬書至云辰州十月已見梅
花寄詩三首予未之答及茲再遣書使
已是獻歲三日此地梅放未匝輒書所

見以報前詩

君使發冬仲已寄早梅詩此地未見花以何
發清思低徊不成報待此花之期再辱驛使

至獻歲春前時是時闋園梅珍重不數枝何
爲共歲寒寒花獨參差君言辰酉暖花亦有
所私天疎地則親花時聽土宜有似我與爾
同枝而早遲計予花粲粲是子葉紛披花葉
不相及又若同心睽以此早春秀答君晚歲
遺凡物貴相代豈在同榮衰與君爲久要共
此實纍纍

飛雲巖

隱居車言地集
吾聞山出雲巖則雲之室茲巖雲所爲雲與
山爲一山雲老亦堅浮者化而實初至怯空
遊梯磴乃歷歷下上於其間步步可遊息石
以雲爲神雲以石爲質石飛雲或住動定理
難詰草樹過泉聲尋之莫可覲

黔還至辰溪懷蔡敬夫旣見贈詩

去子不百里我懷彌鬱紆川陸莫適從顛倒
問舟車五載別何易一日苦難需不知此五
載爲心當何如祗役過子部心迹多所拘此
時不悵然明知有歸途歸途未卽見離緒劇
於初萬慮閒乃生情事方崎嶇

又

去冬予家食寄我早梅篇今來屬秋殘乃在
梅花前沅江多芙蓉遲暮非其年芙蓉不宥
後梅花不宥先今予欲贈我何枝可折焉每
得君所寄思理如雲泉及茲獲言面意滿俱

隱居車言詩集
默然吾寧相對默不願頻寄宣

欽山漁仙洞尋龍君御所住觀其刊鑿
之迹

楚人事黔役能無山水情所得乃在楚特以
黔爲名如彼蜀三峽其險半於荆陸行問桃
源靈奧寄水程所以起辰州三日聊舟行穿
石望而足水心恨未停晚泊欽山下獲與幽
願并靜者領斯山意匠妙經營搜抉畢智勇

虎穴不得寧頗負康樂才要與陵谷爭靈怪
爲之遜吏民迺不驚停舟山雨內舟停山亦
晴棖桷與巖巒左右煙中生屈曲行螺中子
所謂甕城往往意所息輒值隙之平數折聖
珠洞獸跡所縱橫如何有宋刻筆體老而清
可見虎穴先禪者之戶庭古來幽奇地人獸
居相更冥心觀去住鳩鵲開其明

贈別朱無易郡侯計事畢暫還成都并

答前見贈之作

與公同北首雁行略參差公不廢餞送贈以
孔碩詩不自恤霜雪念我行冰漸執及備前
驅我先公則隨玉帛太平色車閒馬旣馳藹
藹王吉士胡不呼載之指友夏之不
得計偕也時哉有

難言與公同腹悲先至卽居者主人焉復疑
佳山與佳士用爲餉客資往往無意返能豁
夙所思感公好士意輒敢舉所知諒公慎交
心雜客爲公辭王郎與馬子文其不在茲輪
蹄酒食場良晤稀復稀胡公獨無冗宴詠頻
相追唯公不泛愛所以多暇時甚媿主人禮
猶愆西山期今遂出都去暫取棧道歸棧道
勝峽中見聞多所怡青山無冬春非以竹柏
爲矧茲二三月鶯花方離離送者二三人不
似諸侯儀所送則朱公二三人亦宜

四月三日楊脩齡侍御遊宴海淀園

燕地三四月江南二月時物色淹春寒此時
方妍淒豈曰桃李後遂無鶯花期所以臨眺
事首夏正攸宜郭外自多勝城居豈得知泉
石雖云借盡日君有茲一座四方人趣不甚
參差能使孤衷士酬對亦不疲則知不草草
於物有調劑流峙周結構爲君娛客資物力
苟據勝山水亦聽之舟席歎則代苔石凡屢
移清泛隨孤光動植沐晨義吁嗟綺麗地情

理生幽奇

七月十五夜月同茂之賦

首秋夜十五是爲月之時暑退猶有存頗與
風露宜置身此光上不能添我衣廣庭化爲
月何者中間之衰枝作庭影影反妍於枝虛
懷侍清光魂夢亦相隨

南歸柬別劉貞一侍御獄中

古無三十年地天成肩鑰神龍寄高深聲臭

不可度理數俱無權莫能使鳴躍天其垂異
象 皇心喻而作都哉御 慈寧外斷中斟
酌天日既已覩巷牖非不豁妄意諸小臣

聖衷疑且薄其於所尊戚體貌自溫恪苟能
中機宜匡順固綽綽吁嗟失斯時何由更納
約侍御班雖後於義忝鞞鐸四顧既無望直
前安敢却微官易得罪倉卒風霆落致君有
今日實以盈庭諾謂宜面引咎後言胡救藥

匪唯語默乖已失後先着終始揆斯事誰其
司斗杓於君獨嚴譴猶知君謇諤差賢於汎
汎誅褒兩寂若君曰是何言徒增中懼忤有
言恨未申何取身囚縛看君負茲意空名耻
爲博吾聞古直臣退居皆閉閣頃來鳴立仗
夫豈不嶽嶽中情既難言末路別有泊或使
忠諫途反爲世所託區區抱幽憤待君一灑
濯



原件短缺

P9

觀朱叔熙所藏唐搨雲麾二碑顏柳白
傳諸帖及米書

人情固貴遠魏晉猶下風紙墨出三唐已與
金石同借觀廢寢食心目行鴻濛物苟詰其
至中古具義農一字一氣運道從而污隆節
義與風雅顏面見數公

入舟

八月廿五日

勞勞人我際歸路卽休期所畏更車馬風雨

贈徐象一年文并索其畫

吾友徐水部文心本塞淵比來於畫理自言
心力專文事子處後孰能爲之先乃知文章
道世多草草焉精神久寂寞盤薄見其天以
此悟爲文瞻之已在前能使今文士內省思
其愆許我作數筆鄭重至經年知子不宿諾
以待神之全古之耽畫人宿生山水綠胸中
有高深子筆我則絃卧遊在爪指意各不能

傳有時四壁響峩峩泱泱然

登岱

茫茫何所祖先物而稱宗衆靈果奔赴如水
無不東似已見太始猶疑不鴻濛形氣錯人
鬼結構未免工日月生沒際金火光熊熊是
諸種種象焜然鎔其中暫時觀混沌下上歸
一風天非但蒼蒼無故生衆容我處元氣上
玄黃反莫窮

無字碑

如何季世事及近結繩初民不可使知亟亟
欲其愚隱然示來者此意卽焚書

尋西天門

石何時起立中闕爲雙闈人力所不與因而
曰天門石勢如風雨內外相崩奔虛無纔倚
墜煙日以爲根吁嗟不自必落落幸而存吾
欲鑿越觀以達龍峪源夫惟或隔之所以幻

心魂

宿頂候日出

朝旭不待朝來宜先於旭去地四十里曜靈
異所燭不應此天海如是近而促一嶽隔元
化日月有淹速至此已無山此物冀先矚託
宿最高寒神魄始曠肅風霆搖夜夜下方人
事聞吾聞登岱人奇光有時縮根或有靈鈍
志氣各感觸居處敢不變亦以生一虔篤

降自孔子崖循黃華洞止焉

山有挾而勝不專在高寒粲粲黃華洞聲光
夕陽間萬松裹泉石往復多其端泉不壁而
瀑松不風而湍層巒或漾之偃仰生微瀾巖
壁不自主煙日靜而安蘿石相磴棧屈曲自
糾蟠雖無人上下其勢若牽攀以其處山半
未力厥維艱遊者曰登岱山遂不復降觀

傲來山

望者遠而略。然得山之全。近郭岱已具人馬
欣雲煙牒牒達天門。天門非一天。向所指爲
岱。岱曾不與焉。乃知是傲來相顧而爽然。察
所由起止。與岱相周旋。扶持效媚。茲詭激而
便媚。雖爲岱疏附。其它不苟。連升降。殊所覩
去來情。屢遷於維。岱曰宗理氣資節宣。

再憩朝陽洞泉上

吾觀岱前後。泉石相循環。聲情蓄幽阻。人所
不往還。茲得再眺聽。以處嶽路間。昨登後石
屋。視此邃而寬。低徊欲居之。惜茲衆妙殘。其
實不甚隔。揆勢皆半山水。木風同響。孰先發
其端。

岱草旣定。讀友夏南嶽記及詩

曰共作叅遊諾。諾諾歲月內。子之南嶽心。猶我
視東岱。真遊良有關焉。保無拘礙我岱子。則
衡豈云非意外。文章山運數。天人有所愛。自

子記南嶽嶽不自靈昧我未登岱時讀之神
內戒今自省所爲視子猶未憊妙言生興願
深淺機緣會勿各矜所獲且用交慰快同遊
古不無未聞由預待

三月三日新晴與客步看所在桃花

所寓在郭外出入難一城意但取居止頗爲
花鳥營花辰多在雨春亦莫能爭恒恐桃與
李汶汶過此生何意留佳霽上巳連清明數
步卽花事聲香中外行始悟居近郊有遊人
我輕花開無先後貴與遊事并出門花未落
今日看花情

牛首道中看人家桃花

桃花沒人事青山又周之花能紅幾日春山
青無時恒暫雖異數幽艷理相宜亭檻聽林
水高下不難施繁花裹心目形神無以爲感
彼榮落候同茲風日期竹栢風前後謾謾晨

夕吹

舟過郭聖僕范漫翁二居士

輕舟隨風日吾意有所尋
眺聽在其內林水方蔚森
汭洄凡屢變所至爲霽陰
新流周我舫不必廣且深
伊人寄靜外奇尚而素心
衡宇異郊郭雲煙接一林

宿烏龍潭

淵靜息羣有孤月無聲入
冥漠抱天光吾見晦明一
寒影何默然守此如恐失
空翠潤飛潛中宵萬象濕
損益難致思徒然勤風日
吁嗟靈昧前欽哉久行立

七月十五夜登雞鳴寺觀懺度

地高秋不測悠悠但一光
不須借風露自然生微涼
陰物乍離暗視明猶彷徨
戒僧登座說此是日月鄉
皎然聲影下悲歡如迦嘗
湖山一以去天野何荒唐

歸至雪浪菴看紅樹 是恩公故居

年貌已云晚起止亦有涯有情念其盡何異
惜春華客言此中勝一歲在桃花寒紅破浪
出三月秦人家不作榮衰想春夏何以加登
涉誠有際棲息則幽遐歸途有如此所得非
不奢僧寂留生具我見不咨嗟學徒幾人是
威儀蔬與茶何年霜露裏紅影不橫斜

贈曾伯陽母

歷觀真佛子誰非慈孝人悲哉爲法故乃以
憂其親所賴母有志明信同宿因斷臂獲法
寶此真不失身何況戀甘脆區區菽水仁多
生固眷屬斯須作天倫婆羅有此母三途免
苦辛

正月初五日冶城看殘雪作

積雪何所似白地一明光於何見剪繪落落
綻微陽存者去者半鱗次表低昂存者反作

質去者錯爲章質文難思議高處辨其方是
時尚冬序春物猶蓋藏人意有所向岸草與
隄楊已覺耳目際先有一青黃白寒在林壑
不以爲冰霜

採雨詩

雨連日夕忽忽無春採之瀟茗色香可
奪惠泉其法用白布方五六尺繫其四
角而石壓其中央以收四至之水而置
甕中庭受之避雷者惡其不潔也終夕
總總焉慮水之不至則亦不復知有雨
之苦矣以欣代厭亦居心轉境之一道
也作採雨詩

連雨無一可不獨梅柳厄可助茶神理此事
差有益置甕必中庭義不傍檐隙豈不速且
多汗濫亦堪擲志士羞捷取先難而後獲網
羅仗匹素承藉敢言窄取盈亦人情反喜溜


聲積遣婢數持燈驗其所受跡用蠲苦雨情
聽之遂終夕

丙辰江西大水故憲副太和臨臯楊公
在殯其弟貞叔負其棺與水出入得免
子友揚武部邦隆憲副公之子也泣道
其事鄒爾瞻先生作風木樓紀述其事
親始末鍾子讀而歎曰貞叔之爲此有
本也紀之以詩

岷岵思父母未乃及於兄固知至性人孝友
同一情古有伏棺者入火神不驚彼子君則
弟易地無重輕吁嗟志之壹乃與水火爭竟
亦獲旣濟智勇根於誠備觀君本末純孝通
神明存沒急難誼一一由此生世皆誦奇烈
君視實平平移此於君友豈曰非艱貞再拜
書於策人倫著紀經

歲暮送姪昭夏還家兼示弟恮等

汝父齋志日汝生四月餘今見汝作父子身
爲獨夫嗣衰覩子姪敢復問賢愚况汝能念
我至性輕長途久侍忽言別情劇未來初此
時吾念汝不獨爲孤癯問予此二載何以處
南都憫默不能視中懷各焚如亦知汝有母
不敢言倚閭恐傷遠人意子懷彌崎嶇官無
九里潤子母猶饑餉親見我近狀不嗔薄且
迂共茲秋冬內愛掩督課疎廣汝以山水靈
汝以圖書此事勝誦讀有所開悟無以此爲
實歸此來亦不虛汝叔近落羽文章又失圖
榮利鑿忠厚宦路與鬼俱但令各有子耕學
親可娛豫營人外計饑寒不暇虞兄弟息俱
晚家督則在渠富貴不敢覬要爲幼者模爾
勿恃周親悠悠忘爾孤



程